

ति । तावे॒तमिन्द्रा॒ग्निभ्यां॑ वि॒शाखा॒भ्यां पु॒रोडा॒शमे॒का-
द॒शक॒पालं॑ नि॒रव॒पतां॑ । ततो॒ वै तौ श्रै॒ष्ठ्यं दे॒वाना॑म॒भ्य-
ज॒यतां॑ । श्रै॒ष्ठ्यं ह॒वै स॒माना॑ना॒मभि॒जय॑ति । यए॒तेन॑
ह॒विषा॒ यज॑ते । यउ॒चैन॑दे॒वं वेद॑ । सोऽ॒च जु॒होति॑ । इ-
न्द्रा॒ग्निभ्या॑ स्वा॒हा वि॒शाखा॒भ्या॑ स्वा॒हा । श्रै॒ष्ठ्याय॑
स्वा॒हाभि॒जित्यै॑ स्वा॒हेति॑ ॥ १४ ॥

अथै॒तत् पौ॒र्णमा॒स्या आ॒ज्यं निर्व॑पति । का॒मो वै पौ॒-
र्णमा॒सी । का॒मआ॒ज्यं । का॒मेनै॒व का॒मः स॒मर्द्ध॑यति ।
क्षि॒प्रमे॒नः सका॑म॒ उप॑नमति । येन॒ का॒मेन॑ यजते ।
सोऽ॒च जु॒होति॑ । पौ॒र्णमा॒स्यै स्वा॒हा का॒माय॑ स्वा॒हा गत्यै॑
स्वा॒हेति॑ ॥ १५ ॥ *

अनु० ४ ॥

पञ्चमोऽनुवाकः ।

मि॒त्रो वा॒अ॒काम॑यत । मि॒त्र॒धेय॑मेषु लो॒केषु॑भि॒जये॑-

* D पुस्तके निम्नस्थः पाठो वर्तते ।

अ॒ग्निः पञ्च॑द॒श पु॒जाप॑तिः षोड॑श॒ सोम॑ ए॒काद॑श
रु॒द्रो द॒श॒श्वका॑द॒श वृ॒हस्प॑तिर्द॒श दे॒वासु॒रान॑व॒ पित॑र-
ए॒काद॑शा॒र्यमा॑ भ॒गो द॒श स॒विता॑ चतु॒र्दश॑ त्वष्टा वा॒यु-
रिन्द्रा॒ग्नी द॒शाथै॑तत् पौ॒र्णमा॒स्या अष्टौ॑ ॥ पञ्च॑द॒श ॥ १५ ॥